

中華民國四年八月二十一號

湖南巡按使署政報處發行官書報局印

湖南政報

本報廣告登載後頁閱者注意

本報廣告價目原以四號字爲標準如用三號字加半二號字加倍特此聲明

湖南政報招登各界廣告

如登全年格外從廉照五折計算

凡登半頁廣告一月者收錢十六千兩月以後每月收錢十四千常年每月收錢十二千
特告

本報爲提倡實業起見特稟准自七月一號起仿照政府公報及各省公報例於後幅加添營業廣告一門凡各官署官私立學校與各界商民人等欲登廣告事件請查本報登載之廣告條例至本公署政報發行所暨南門外上碧湘街院南沈宅接洽可也特啓

附登廣告條例

- 一凡登廣告者須先錄稿送本處核定後方可照刊如鳴冤洩憤與行政上有關係抵觸之處概不登載
- 一凡各官署及各官有事業機關之廣告向登一日者依公布例不收刊資一日以外仍繼續登載一律收費
- 一凡廣告登載地位係在本報末後均用四號字如須刊大字圖畫照所佔地位面議
- 一告白登載三日起碼第一日每字三文第二日每字二文三日以後每字一文滿月七折一月以後六折
- 一凡登廣告照章先繳刊費一律無扣如縮短期限刊費不退未繳費者恕不登載
- 一凡登載廣告者隨送本處政報一本一星期內不另取資

湖南政報目錄

電令

大總統令 京巧皓

大總統申令 京巧

軍政

巡按使咨 靖武將軍軍部財政廳詳部核減四

財政

巡按使批 行財政廳據岳陽徵收局詳木牌由夾

巡按使批 縣知事詳復訊結案情形由具控

巡按使批 平江縣知事詳

巡按使批 漢壽縣知事詳報

巡按使批 行財政廳據湘潭縣詳七

巡按使批 嘉禾縣知事詳張漢清前稟

外交

巡按使飭 交涉員據平江知事詳為抄費款

交涉署飭 各縣知事保德礦

巡按使飭 各縣知事保護日商

內務

兼護湖南巡按使 電呈 大總統

兼護湖南巡按使飭 長岳兩關監督兼特派湖南

巡按使飭 省城警察廳 緝逃犯吳宗保等由通

巡按使飭 各縣知事催繳三年十一

巡按使飭 財政廳據岳陽徵收局詳木牌由夾

巡按使飭 縣團丁盤獻景因公傷亡照給卹金

司法

巡按使飭 高下審判廳據財政廳詳部核減四

巡按使飭 各縣知事據高審廳詳各縣知事詳委員

巡按使批 湘鄉縣詳清理刑司法大表情形

巡按使批 高檢廳詳復路局擬建築新地仍不適

巡按使批 高審廳詳鄉管獄員由張

巡按使批 高審廳詳鄉管獄員由王固如

巡按使批 高審廳詳鄉管獄員由

巡按使批 高審廳詳鄉管獄員由

巡按使批 永明縣詳審理由民刑

實業

巡按使飭 出品協會各品應得獎憑由

巡按使咨陳 農商部准咨送美

巡按使批 臨武縣知事暨委員陳濠姚庭熙會

法請飭 遵由

巡按使批 衡陽道尹詳據郴縣

巡按使批 安仁知事詳稱屬無特別出

巡按使批 蕭錦章李苑修等賄

教育

巡按使咨陳 詳費別科畢業私立愛國法政學校

巡按使批 省教育會為緩

巡按使批 茶陵縣知事詳資通俗講演

巡按使批 岳雲中橫肆汚蟻何炳麟詳為違

巡按使批 省立女校並核准修製預算表給

廣告

電令

大總統策令

京電

馬凱給予三等嘉禾章關朝翼喬廣雲均給予四等嘉禾章梁序芳張國晉梁朝棟均給予五等嘉禾章此令

鄒芬蔡永鎮劉香九張景惠均給予三等文虎章單世俊錢維新王國政王宗承魏祝三趙思臻梁泮李桂林趙玉周鮑德山崔俊臣孫德山齊占九于文甲牛永福宋維賢齊恩銘張樂山楊遇春崔鳳山鄒殿陞張明九張榮李振聲蔡平本陳九芝趙明德閻玉成許昌葦均給予四等文虎章馮舜田邱鍾嶽均給予五等文虎章此令

任命金邦平兼全國水利局副總裁此令

任命張邦本署四川陸軍第一師步兵第一旅旅長熊祥生署四川陸軍第一師步兵第二旅旅長鍾志鴻署四川陸軍第二師步兵第三旅旅長雷麟署四川陸軍第二師步兵第四旅旅長此令

任命黃鵠舉署四川陸軍第一混成旅旅長鍾體道署四川陸軍第二混成旅旅長此令

陸軍部呈准正黃旗漢軍都統載潤咨擬以樊松淮補驍騎校請予准補等語應照准此令

大總統申令

京電

司法部呈遵核察哈爾都統署審判處判決墾務損款舞弊一案依法分別判定罪名尙無不

合等語官吏犯賊迭經嚴切申誡該員段德金等辦理舉務膽敢擅改舞弊實屬藐視法紀罪不容誅既據審明供證確鑿段德金王友才承恩鄂勒哲依那遜四名均著准照所議執行死刑以儆貪墨而昭炯戒餘并如擬辦理此令

右八月十八日電

大總統策令

京電

吉林巡按使孟憲彝著開缺來京另候任用此令

特任王揖唐爲吉林巡按使此令

任命齊耀珊爲參政院參政此令

任命色旺端魯布爲翊衛使旗觀武爲翊衛副使此令

內務部呈准江蘇巡按使齊耀琳咨陳請任命施濟晉黃桂芳張冕甲趙永平陸宗保劉永盛

張國琛王文貴爲江蘇省城警察廳警正王固磐爲技正應照准此令

司法部呈請任命貝壽同爲技正應照准此令

陸軍部呈請將吳鏡如授爲陸軍步兵上校何貴元陳福祥均授爲陸軍步兵少校應照准此

令

右八月十九日電

謹按

大總統命令本報係照京電號碼譯登間或電碼有誤關係甚大應俟政府公報寄到隨時查對更正

軍政

巡按使公署咨 靖武將軍文

爲咨明事案據署財政廳長嚴家熾詳稱奉 財政部支電開湘省四年下半年概算業經核定各部所管計外交二千元內務六十萬零七千零一十二元財政二十六萬九千七百五十二元教育三萬四千九百九十三元陸軍一百五十三萬五千八百零七元司法一十七萬四千九百九十七元共二百六十二萬四千五百六十一元除俟呈奉批准再行知照外仰卽遵照等因奉此本廳遵查本年七月各項經費已經查照六月支數核發在案茲奉核減概算財政費自應遵照辦理惟查內務司法陸軍各費既多核減能否卽行遵辦之處理合繕具比較表備文詳請察核轉咨等情據此查表列部核陸軍部所管概算數較原算數減一十九萬四千另三十六元能否卽行照辦事關 貴行署主管除俟部核分欸數目咨到再行咨送外相應先將核減總數咨達 貴行署煩爲查照并希見復盼切施行此咨

靖武將軍行署

署湖南巡按使陶思澄

中華民國四年八月十一日

財政

巡按使陶批

批行財政廳據岳陽徵收局詳木簿夾帶米擔情形謹抒管見仰懇飭遵由

據詳該局屢經破獲木簿違禁夾帶穀米擬乘此時規定由該局檢查竹木簿夾帶以爲將來規復覆查之地不爲無見仰財政廳按照所擬各節悉心核議如別無窒礙之處卽由該廳督同該局妥擬檢查夾帶辦法詳候核定出示遵行暫不用覆查字樣以杜藉口此批抄詳發

批鄱縣知事詳復訊結羅壽祺具控李玉珍偽造糧券一案情形由

詳悉羅壽祺具控李玉珍偽造糧券一案既據該知事實訊明確將李玉珍判處四等有期徒刑一年又六個月應准滯案僧廣慧自縊身死羅壽祺並無協迫實據准免置議至羅壽祺原稟有難保余庚西無串同舞弊情事一語係屬揣測之詞似不構成誣告之罪並著知照此批

批平江縣詳解四年公債由

詳悉該縣認購公債壹萬二千元據稱業經先後措繳九千元批解財政廳核收應准備案仰將已認未繳之三千元趕緊催齊彙款報解毋稍逾延仍遵財政廳最後電飭再行切實募收務於本月內集款解繳是爲至要切切此批

批漢壽知事詳報認募公債款項由

詳悉該縣認募公債四千元據稱業經如數批解財政廳核收應准備案仰將續募已認未繳

之八百元趕緊催齊報解毋稍延誤切切此批

批行財政廳據湘潭縣詳七月分報解驗契款項由

詳悉查該縣六月分驗契收款數逾巨萬此次據報七月分收數共祇二千餘元補稅之數亦減如非官廳奉行漸懈卽係人民觀望不前應卽急起直追認真催驗務期徵集巨款解濟要需毋得始勤終怠致辜厚望仰財政廳轉飭遵照此批

批嘉禾縣知事據張漢清前稟知事違法濫捕勒捐苛罰由

查此案前據具稟當經批行該縣知事查案復奪在案茲據稱爾父已購公債洋四百元該縣知事不發收據復勒繳保衛團總公所公費小洋一百二十元如果屬實殊與公債信用有碍仰嘉禾縣知事遵照前批查明爾父認募公債情形及因何扣發收據緣由迅速明白詳復以憑核奪勿稍延飾切切此批副稟發

外交

湖南巡按使公署飭

為飭知事案據平江縣知事詳稱案據平邑天主堂神父王德純送交該教堂承買縣民李源春堂舖屋一契又承買彭飭廷園土一契又承買廖振麟兄弟花園厠房一契共白契三紙請為稅印知事查閱各契均係天主堂出名買為公產當飭派警備隊分隊長田中鋒獻鐘警察分所警佐楊宗震前往查明寔係買賣分明並無謬轉等情具覆前來除錄契詳報交涉署外理合抄錄原契備文詳請示遵等情據此除批詳督清摺均悉該縣天主堂承買李源春堂等房屋既據該知事查明並無謬轉檢閱抄契均有作為公產字樣核與成案尙無不符應准予照章印稅此繳印發外合行飭仰該^{特派員}廳長即便知照此飭

巡按使陶思澄

右飭^{特派湖南交涉員}財政廳長

准此

湖南巡按使印

中華民國四年八月十三日

湖南交涉署飭

為通飭事案准 駐湘德國領事函開駐萍鄉本國礦務工程師非已那請照赴湖南等省游

歷請飭保護等因到署准此除詳請 巡按使通飭保護外合亟通飭各縣知事遵照一體照約保護并將入境出境日期及在境情狀詳紀具報毋稍大意切切此飭

外交部特派湖南交涉員朱彭壽

右飭各縣知事

准此

外交部特派湖南交涉員之印

中華民國四年八月十七日

湖南交涉署飭

為通飭事案准 湖北交涉署咨日本國商人小野宗三郎又吉田今朝十各請照赴湖南等

省游歷又准直隸交涉署咨日本人新聞記者松岡藤吉請照赴湖南等省游歷均請飭保護等因到署准此除詳請 巡按使通飭保護外合亟飭知各該縣知事遵照一體照約妥為保

護並將入境出境日期及在境情狀詳紀具報毋稍大意切切此飭

外交部特派湖南交涉員朱彭壽

右飭各縣知事

准此

外交部特派湖南交涉員之印

中華民國四年八月十七日

內務

兼護湖南巡按使電呈 大總統接印視事日期文

大總統鈞鑒 家熾於八月十一日恭奉 策令兼護湖南巡按使茲於八月十五日准前署巡按使陶思澄移交印信前來當經 家熾敬謹接收視事除呈報外合先電陳兼護湖南巡按使嚴家熾謹呈咸印

湖南巡按使公署飭

為飭知事案照本兼護巡按使於本年八月十一日恭奉 大總統策令陶思澄著即來京

覲見湖南巡按使韓國鈞未到任以前著嚴家熾暫行兼護此令等因奉此茲准 陶前署巡按使派員將印信文卷等件咨送前來本兼護巡按使即於八月十五日接印視事除分別咨行並照會各國領事外合亟飭行飭到署中希即知照並咨長岳兩關稅務司一體知照此飭 兼護巡按使嚴家熾

右飭長岳兩關監督兼特派湖南交涉員署准此

湖南巡按使印

中華民國四年八月十五日

湖南巡按使公署飭

為通飭事准 江西巡按使公署咨開據永豐縣知事韓國斌詳稱竊縣屬中沙吳姓與田心吳姓互鬪先後殺斃十三命一案所有案內正犯吳宗保等現均在逃未獲未便任其遠颺逍遙法外理合詳請通緝并請轉咨鄰省一體協擊解究等情據此除分別咨行協緝外相應咨請貴巡按使查照通飭各屬一體協擊逃兇吳宗保等務獲解究并鈔送清冊一份等因准此除分行外為此飭仰該道尹即便轉飭所屬各署一體查照辦理此飭

巡按使陶思澄

右飭 省城警察廳廳長 尹 水上警察廳廳長

准此

湖南巡按使印

中華民國四年八月十二日

計鈔發清單一件

永豐縣知事為造送事今將縣屬中沙吳姓與田心吳姓互鬪先後殺斃十三命案內在逃正犯造具清冊送請查核須至冊者

計開

- 一 吳宗保年約三十餘歲身中面白無鬚永豐縣人係殺傷吳香發身死案內正犯
- 一 吳南姑年約四十餘歲身中面白無鬚永豐縣人係殺傷吳瞞生身死案內正犯

- 一吳元面年約二十餘歲身中面白無鬚永豐縣人係殺傷吳壽生身死案內正犯
- 一吳棉珍年約四十餘歲身中面白無鬚永豐縣人係殺傷吳花子身死案內正犯
- 一吳四仔年約五十餘歲身中面白無鬚永豐縣人係殺傷吳飯姑身死案內正犯
- 一吳乞老年約三十餘歲身中面白無鬚永豐縣人係殺傷吳古老身死案內正犯
- 一吳牙王年約二十餘歲身中面白無鬚永豐縣人係殺傷吳長生身死案內正犯
- 一吳禾尙年約三十餘歲身中面白無鬚永豐縣人係殺傷吳陳發身死案內正犯
- 一吳骨老年約二十餘歲身中面白無鬚永豐縣人係殺傷吳安珍身死案內正犯
- 一吳核桃年約三十餘歲身中面白無鬚永豐縣人係殺傷吳林珍身死案內正犯
- 一吳龍發年約四十餘歲身中面白無鬚永豐縣人係殺傷吳文盛身死案內正犯
- 一吳有漢年約二十餘歲身中面白無鬚永豐縣人係殺傷吳炳元身死案內正犯
- 一吳牙鉢年約三十餘歲身中面白無鬚永豐縣人係殺傷吳箕箕身死案內正犯

以上各犯均係在逃未獲應請通緝究辦理合登明

湖南巡按使公署飭

爲嚴飭催繳事案查政府公報費一款迭准 政事堂印鑄局文電交馳催解甚急曾經前劉巡按使屢次飭催所有報費截至三年十一月以前作爲舊欠無論前任本任所欠由各該處尅日清解其十一月以後由財政廳扣解本署各在案嗣據各屬全數繳解者固不乏人已繳

未清者亦屬有之甚至全數未繳者寔屬玩視已極總計舊欠為數甚鉅本公署懋何彙轉此項報費關係公帑未便久任拖延為此開單嚴飭飭到該知事即便遵照限文到十日內迅速具文詳解以憑彙轉如再任催罔應定即飭行財政廳在該縣公費內照數扣繳以重公款切切此飭

巡按使陶思澄

右飭各縣知事

准此

湖南巡按使印

中華民國四年八月十二日

計開各縣知事欠繳政府公報費自二年十一月起至三年十月底止各欠光洋一十元

- | | | | |
|----|----|----|----|
| 長沙 | 瀏陽 | 攸縣 | 寧鄉 |
| 湘鄉 | 安化 | 衡陽 | 衡山 |
| 江華 | 祁陽 | 永明 | 新田 |
| 郴縣 | 汝城 | 藍山 | 岳陽 |
| 常德 | 澧浦 | 黔陽 | 安鄉 |
| 大庸 | 芷江 | 靖縣 | 會同 |

乾城

古丈

永順

計開已繳未清自二年十一月起算至三年十月底止

醴陵

欠繳六個月

光洋五圓

寧遠

欠繳三個月

光洋三圓五角二分

城步

欠繳六個月

光洋五圓

安仁

欠繳七個月零二十天

光洋六圓四角

宜章

欠繳四個月

光洋三圓三角六分

臨武

欠繳七個月

光洋五圓八角四分

嘉禾

欠繳一個月

光洋八角四分

華容

欠繳一個半月

光洋一圓二角六分

南縣

欠繳一個月

光洋八角四分

瀘溪

欠繳六個月

光洋五圓

沅陵

欠繳六個月并前欠郵費一圓共光洋六圓

晃縣

欠繳二個月

光洋一圓六角八分

湖南巡按使公署飭

為飭知事案准 內務部咨開准咨陳據道縣知事田景文詳稱保衛團團丁盤獻景於本年

五月間隨同教練長秦惠廷在北鄉油碌深地方勦匪遇伏中彈殞命并被匪剖取心肝死事情形極為慘烈造具事寔表詳請轉咨照章核卹等因到部查該團丁盤獻景勦匪捐軀死事慘烈核與保衛團條例第十八條第五項暨第二十條所規定之事寔相符應照警察官吏卹金給與條例第六九兩條之規定並比照附表第一號巡警之例給予一次卹金一百圓暨遺族卹金五年年給五十圓以慰幽魂而資養贍除彙咨財政部外相應咨覆查照飭遵其卹金希由貴巡按使照數發給可也等因准此除由本公署將已故保衛團團丁盤獻景應給一次卹金暨遺族卹金各項証書如式填就飭發道縣知事轉發該遺族受卹人具領外合行飭知飭到該廳即便遵照此飭

巡按使陶思澄

右飭財政廳廳長

准此

湖南巡
按使印

中華民國四年八月十五日

司法

湖南巡按使公署飭

爲飭行事案據財政廳詳稱奉 財政部支電開湘省四年下半年概算業經核定各部所管計外交二千元內務六十萬零七千零一十二元財政二十六萬九千七百五十二圓教育三萬四千九百九十三元陸軍一百五十三萬五千八百零七圓司法一十七萬四千九百九十七圓共二百六十二萬四千五百六十一圓除俟呈奉批准再行知照外仰卽遵照等因奉此本廳遵查本年七月各項經費已經查照六月支數核發在案茲奉核減概算財政費自應遵照辦理惟查內務司法陸軍各費既多核減能否卽行遵辦之處理合繕具比較表備文詳請鈞署察核並懇轉咨 將軍行署暨分飭高等審檢廳查照實爲公便等情據此查表列部核司法部所管概算數較原算數減八千一百四十二圓事關該廳主管除俟部核分欸數目咨到再行飭知外合先飭行該廳卽便查照會同同級檢察廳將八月以後應支所屬各機關經費切實核減以免超過仍將遵辦情形具覆核奪切切毋違此飭

巡按使陶思澄

右飭高等審判廳

准此

湖南巡

按使印

中華民國四年八月十二日

湖南巡按使公署飭

爲飭知事案據高等審判廳詳稱竊查監獄官制第十四條第二款之規定管獄員依省官制所定由各該縣知事詳由該省高等審判廳長委任之等語揆厥意旨原以各知事對於舊監有直接管轄之權故特予以詳委大柄以資伸縮廳長考核近來監犯脫逃之案疊出不窮固由設置未周看守無幾種種原因而管獄員不克盡職各該知事諸多隔膜於應行監督之處容有不能實施職權擬請嗣後管獄員出缺依照監獄官制第十四條規定由該縣知事遴員請委職廳審查資格相符再行依照省官制第九條規定詳請鈞署核辦似此庶與官制規定不相背馳而各該知事事前既有請委特權事後更無藉口餘地如蒙允行懇即通飭各縣知事一體遵辦以專責成而符定制至現任各員如無不職實據似無庸概事撤換應懇一併飭知藉杜紛擾所有各縣管獄員請准嗣後概由知事詳委緣由是否有當理合備文詳請鈞署察核批示施行等情據此除批詳悉查近來各屬疏脫監犯之事層見疊出幾於更僕難數推厥原因固由於監獄設置之未周亦由於獄員管理之未善懲前毖後亟應妥定辦法以資補救而專責成據稱嗣後各屬管獄員出缺擬請依照監獄官制第十四條之規定由縣知事遴員請委詳由該廳審查資格相符再行依照省官制第九條之規定詳報本公署查核辦理等情自係爲慎重獄政預防流弊起見應准照行至現任各獄員如無誤公溺職情事自未便輕

予撤換致涉紛更仰候通飭各縣知事一體遵照辦理可也此批印發外合行飭知飭到該知事即便遵照此飭

巡按使陶思澄

右飭各縣知事

准此

湖南巡

按使印

中華民國四年八月十二日

巡按使陶批

批湘鄉縣詳清理司法大概情形並資六月份民刑月報表由

詳表均悉仰即督同清理積案委員及承審員迅將未結各案趕緊厲行清理完結以恤民艱毋稍延違致干懲戒仍將遵辦情形具報察核此批表存

批高檢廳詳復路局擬還基地仍不適用請轉知另購以便建築新監由

詳悉查閱所賚圖說路局擬將廖姓民地互相更換於建築新監諸不適用自應變通盡善以期兩不相妨仰候檢同圖說咨行漢粵川鐵路總公司查核咨復再行飭遵此批繪圖說明書均存

批高等審判廳詳請委張坤元爲湘鄉縣管獄員由

詳暨履歷均悉查湘鄉縣管獄員盧輝因案撤任前據該縣知事詳請委任徐炳仁接充業經飭由廳查核詳辦在案據詳前情仰即遵照前批辦理此批履歷發還

批高等廳詳請委王固如充湘潭縣管獄員由

詳暨履歷均悉湘潭縣管獄員康伯東辭職該廳擬請委任王固如接充雖據諮詢同級檢察廳同意惟前據來詳以各屬監犯疏脫時聞請將管獄員一職嗣後概由縣知事遴員請委以重責任等情業經批准在案此次湘潭縣所遺員缺自應照案責成該縣知事詳請委任以符原案仰即遵照此批

批永明縣詳審理民刑訴訟尙無積案由

據詳已悉仰將未結各案隨時清理完結以恤民艱毋稍積壓致滋拖累切切此批

實業

湖南巡按使公署飭

爲飭知事案准 農商部咨開案查籌備赴美巴拿馬博覽會賽品會由各省辦理出品協會當經本部派員分途審查在案茲由本部彙集各該員審查報告詳加覆核分別等第給予獎憑以示鼓勵計貴省所有出品應得獎憑共一百零三張相應連同清單咨送貴巡按使查照轉發並希見覆可也等因准此除咨復外合將獎憑清單一併飭發爲此飭仰該會即便查照轉發具領仍具報查考此飭

計抄發清單一本

各省賽品給獎等級表一紙

獎憑一百零三張

農商部文

右飭巴拿馬賽會湖南出品協會幹事長舒仁准此

湖南巡

按使印

中華民國四年八月十三日

湖南巡按使公署咨陳 農商部文

爲咨陳事承准 大部咨送湖南籌備赴美巴拿馬賽會展覽會應得獎憑一百零三張連同給獎名冊暨等級表咨請查照轉發等因准此除飭發湖南出品協會遵照飭發外相應咨復

大部查照爲此咨陳

農商總長

湖南巡按使陶思澄

中華民國四年八月十三日

巡按使陶批

批臨武縣知事暨委員陳濂姚庭照會詳勘復香花嶺官商鑛界並擬具辦法請飭遵由

詳圖均悉此案既據該知事先同陳委詣山詳勘繼復會同姚委復勘據稱該山除西錫砂嶺正南沙子嶺兩處界碑未經移動東北山腰醉翁倒地界碑一塊仍是原立處所其南角砂子坪東角開口正東塘頭坳北江口山等處界碑或經移動或已無存該印委等以西錫砂嶺未移動之界碑爲起點查照文前知事履勘辦法懸繩丈量實勘得秦順隆地點確在官鑛界線之內且查李奠等所開羊婆窿暗侵官鑛名理窿腹界十餘丈前控官鑛分處侵佔之事係屬虛捏是李奠等種種違背鑛章實難辭咎該委員等以李奠自稱若秦順隆劃歸官有羊婆窿鑛區過狹不能成立准其備價接頂官辦名理名利等鑛自屬持平辦法李奠等既已承允要求減輕頂價何以中忽變異仍復堅持不服保無他人從中播弄惟既據該印委聲明係查

照文前知事懸繩丈量辦法該民及原經手丈量人郭玉相等所持貼地行弓之說李奠等從前具狀并未證明不足爲憑應即按照勘定界址將奏順隆劃歸官辦所有名理名利等隨該民願頂與否均聽其便現在小鑛業暫行條例業經呈准公布該公司如果領有勘照自可援例稟請勿庸以展拓鑛區意圖侵佔官界仰該知事即便遵批辦理如果李奠等敢於違抗杜岳陳世禧竟敢從中聳使者即分別嚴究以重官鑛而儆刁風仍轉陳姚兩委知照并候飭行衡陽道尹財政廳督官鑛經理處查照繳

批衡陽道尹詳據郴縣查報鑛產情形由

詳摺均悉該縣各處鉛鑛係部咨所列鑛產之一各鑛鑛業權屬於何人面積約有若干鑛區附近既稱均有煤鑛可供化鍊之用此項煤鑛面積廣狹已否開採來摺均未聲敘無從察核仰再轉飭詳細調查具復轉詳以憑彙咨核辦繳

批安仁知事詳縣屬無特別出產物品懇免赴會展覽由

詳悉據稱縣屬無特別工藝物品可赴展覽應准暫免解送賽品惟該縣工商各業向不發達仍仰該知事切實倡導以資促進毋稍膜視爲要抄由批發

批湘鄉蕭錦章稟李苑修等賄串朦欺泣懇查究由

稟悉此案前據劉委員暨該縣徐知事會勘查復核與道委羅世彝會縣武前知事勘復原案不符並據該縣集祥鎮公民鄧桂堂等先後稟控劉委員到署本使以同一鑛地前後勘辦不

符應再澈查明確以成信讞而昭折服迭經批飭財政廳湘江道尹會查具復在案據稟前情
應候查復到署再行核辦毋庸來署多瀆此批

教育

湖南巡按使咨陳 教育部文

爲咨陳事查湖南私立愛國法政專門學校政治經濟別科學生第一第二兩學年成績名冊第三學年授課時數表及歷期成績考取時名冊各底本業於本年一月二十九日三月十二日先後咨陳准 大部本年四月十三日九九九號咨復核准飭遵在卷旋據該校詳稱別科一班補習期滿請定期六月內試驗畢業當以核與原案相符批准照發去後茲據該校校長楊道南詳稱奉 部會商教職員遵照 部令學業成績考查規程各條將教授完竣尙未考試之各科逐一認真扁試從六月二十四日開始至七月六日竣事所有各科試卷均經教員評記分數復經本校嚴行核定以期仰副鈞使及 教育部慎重學務之至意竊本校別科原有學生留校補習者計一百六名此次畢業考試除劉紹琨蔣隆煦二名因事假歸未得與試及羅壽王之濱蔡慈三名各學年試驗成績總平均分數雖尙能及格而主要科相差分數十分之一照章難與畢業外所有各學年實得分數合格各生得列甲等生趙國雄等七名乙等生王杰等計三十九名丙等生夏贊熙等計五十四名中有乙等生易式南主要科簿記學丙等生王顯謨主要科工業政策唐堯羹主要科商業政策溫景才主要科殖民政策胡澄清主要科貨幣論商業政策皆未能及格惟查該五生主要科不及分數相差均不及十分之一而操行成績得列乙等以上擬請按照 部令學生操行成績考查規程第五條准其一律畢業

此外插班生成元一名前在廣西法校肄業一年至二年二月始插入本校別科已於本年三月四日案內聲敘並請將原校修業之一學年折作半年隨同本校別科生延長聽講屆畢業時祇給兩年半修業證書業蒙咨 部核准至因事假歸未能與試之劉紹琨蔣隆熙二名及與試而主要科目之不及格分數相差太多如羅熹王之濱蔡鰲三名可否照依插班生成元給以兩年半修業證書以便轉學均出自逾格成全合再陳明茲將別科各生畢業考試成績表及年齡籍貫名冊分別造具實請鈞署核准轉咨 教育部察核施行等情附各該畢業生成績分數冊及學生一覽表到署相應咨陳 大部請煩察核其未與畢業試驗及主要科目未能及格各生可否發給兩年半證書並祈見復爲荷爲此咨陳

教育總長

計咨送愛國法政學校別科畢業成績名冊二本

署湖南巡按使陶思澄

中華民國四年八月十三日

巡按使陶批

批省教育會爲緩造會員名冊由

詳悉仰卽按照該會規定章程妥速進行於八月十九以前造冊詳報以憑攷核毋得延誤此繳

批茶陵縣知事詳賈通俗講演團細則并講演各生履歷由

詳及附件均悉該縣通俗講演團既經成立仰仍督飭各員認真講演毋得徒託空言隨時將講演地點及狀況并編輯講稿詳賈以憑攷核此繳履歷細則存

批岳云中學校校長何炳麟詳爲違令抗繳橫肆污蔑懇飭分究由

詳粘均悉查此案前據該校長具稟到署當經批飭警廳邀集原有協議各紳妥爲理處及早了結以符原案而維學務在案據稱各情仰候檢齊原案卷宗轉飭地方審判廳依法判決強制執行以斷葛藤而懲刁狡繳

批省立女校校長馬晉義詳請撥給押租行佃並核准修製預算表由

詳及預算均悉查該校搬遷及增修各費前據彭前校長具詳到署業經批准在四年度下半年期預算撥節項下核實開支在案該校長所賈預算較彭前校長所列銀數有減無增仰卽仍遵前批迅速辦理至該校附屬小學應遷入前審計分處舊址原佔該分處之高等師範附屬小學應遷往屈子祠均經劉前使分別飭遵在案該校長等不早籌備致令該校小學尙須另備民房作爲校舍實與原案不符且押租須銀一千三百餘兩之多行佃年須錢二千三百串以上均爲預算所未列此時忽請加入將來何能核銷惟念暑假將滿開學在卽姑准飭財政廳核議如有可以騰挪之處自當准予維持否則高等師範附校仍應從速遷移以符原案仰卽知照並仰轉行高等師範知照繳預算冊存

廣告

長坡 沙街 西天成銅器號

本號採辦三特色銅賽金銅紫銅上品白銅為改良工業起見不惜巨資聘請優等技師精造時款廣式花素煙袋機器衛生茶壺空花銅影相片精刻銅盒各種酒器俱全定做商業銅牌欄杆徽章獎品其餘種類甚多各樣應用銅器無一不精如蒙各界賜顧其價碼格外克己極表歡迎 主人謹啟

長小 沙門外 怡生五金號廣告

電話七八六號

發行大小五金開鑲鐵路工廠機器鋼鐵電燈器具大小活動電氣風扇油漆雜貨價錢格外克己以表歡迎

小兒慢脾風保赤丹

此丹為艾園盧王世臣先生秘製確為療治小兒俗稱驚風靈藥購服者無不效驗如神較之京都薛家保赤散有過之無不及四時可服永免驚風大瓶五百文小瓶二百六十文另有仿單述明證治及服法

婦人白帶病白龍丸

此丸治婦人白帶病為魏庭蘭醫士監製無論新舊帶病皆可治療初服覺濁物稍多者此丸之功效也蓋穢惡不去新血不生其理甚明接服無不減少而愈誠白帶病之聖藥也每瓶大洋壹元另有仿單述明證治及服法

經售處長沙

上坡子街壽芝堂藥室 新坡子街正興衣庄

電話四百六十八號

蘇州馬大生綢布莊

本莊開設長沙下坡子街已歷有年專辦瀏陽葛夏愛國布疋久荷中外人士嘉許前清南洋賽會曾得部獎優等旋赴義國賽會亦得優等獎牌上年巴拿馬賽會仰承湘省出品協會徵集本莊葛夏赴賽今又親臨蘇杭津滬揀選名機仿造西式各種絲織愛國綢緞布疋品類繁多價廉物美如承賜顧特別歡迎 本莊主人謹啟

中國第一聖藥

○水○藥○眼○軒○多○三○

三○多○軒○眼○藥○水○

多

○水○藥○眼○軒○多○三○

○水○藥○眼○軒○多○三○

三○多○軒○眼○藥○水○

寶

○水○藥○眼○軒○多○三○

主治效驗

- 疴嘔肚痛
- 時行癘疫
- 醒酒止渴
- 感冒寒邪
- 飲食不舒
- 頭痛眼眩
- 胸膈脹悶
- 舟車暈浪
- 水土不服
- 霍亂抽筋
- 辟穢解汛
- 開胃生津
- 傷風傷暑
- 乍寒乍熱
- 山嵐瘴氣
- 風火牙痛
- 心湧作吐
- 皆治且能

○水○藥○眼○軒○多○三○

三○多○軒○眼○藥○水○

丹

○水○藥○眼○軒○多○三○

- (一) 漢口四官殿三多軒大藥房總發行所
- (二) 長沙新坡子橫街三多軒大藥房總發行所

各處均有代售

教育部審定

教科教授書

都百九十種

五百七十冊

完全
華商
商務印書館

初等小學 高等小學

中學校 師範學校

女子學校 單級學校

半日學校 實業學校

各校用書 無不齊備

各科書目

修身	國文	歷史	地理	算術	代數
幾何	三角	博物	理科	化學	法制
經濟	農業	商業	習字	圖畫	手工
縫紉	唱歌	體操	以上所列各科教科教授書均有發售		

各科用書內容及價目均詳載圖書彙報及小本書目內函索即

當寄贈

上海
各埠
商務印書館謹啟

商 華 全 完
行 發 館 書 印 務 商

教育部
審定
英文書

本館歷年延聘嚴幾道 伍昭辰 顏駿人 鄭耀西諸名宿編輯英文課本及辭典字典積至今日已得一百三十餘種 此外又有居華年久身任教育之西士所著各西文教科書亦甚合吾國學校之用綜計亦得十餘種茲列書目如下

讀本	廿六種	文典	廿二種	作文	三種	會話	四種	文學	十三種	繙譯	三種	尺牘	五種	商業	四種
歷史	五種	地理	五種	算學	十一種	理化	六種	經濟	一種	雜書	十種	辭典	十五種	字典	十五種

本館尚有	法文	五種
法文	德文	一種
日文	日文	五種
各書列下	日文	五種

鄙人曾為進步黨黨員現已宣告脫黨特此聲明

陳廷英啓

鄙人前入進步黨并未有黨証特此申明脫離

程士經啓

湖南官書報局新出師範學校各科參考用書

教育部審定

兒童自力研究之啓導法一冊

教育部批

查此書就實際上之觀察實驗研究兒童自動力於兒童教育多有裨益可作為師範學校參考

用書

兒童教授法一冊

教育部批

查此書研究兒童教授問題頗具卓見不特可使兒童自動力發展且與教師教授上之助力可

作為師範學校參考用書

小學各科實際教授法一冊

教育部批

查此書教材豐富科目詳備所採教授方法皆合於實用譯筆尤平正暢達易於理解可作為師

範學校參考用書

湖南官書報局謹錄

本月十六日本公署辦事員遺失第一百八十六號徽章特此聲明

黃恩潤啓

